

# SLUŽBENI GLASNIK OPĆINE TEŠANJ



<b>IZDAVAČ:</b> Općinsko vijeće Tešanj <b>UREĐUJE:</b> Stručna služba Vijeća	Godina XXXVIII- Broj 10	<b>ŠTAMPA:</b> Općina Tešanj Kompjuterska priprema: Stručna služba Vijeća Godišnja pretplata 50,00 KM Račun broj: 101160000035945 i broj: 3385502200008006
<b>ODGOVORNI UREDNIK:</b> Smajo Ćeman	Srijeda, 30.11.2005. god.	"Službeni glasnik" izlazi po potrebi
<b>TELEFON:</b> 032/650-341 <b>E-mail:</b> opcinsko.vijece@opcina-tesanj.ba	<b>T E Š A N J</b>	

Na osnovu člana 14. Zakona o komunalnim djelatnostima («Službeni list SR BiH», broj: 20/90), člana 25., 30. i 53. Zakona o vodama ZE-DO kantona («Službene novine ZE-DO kantona», broj: 8/00, 15/03), i člana 13. Statuta Općine Tešanj («Službeni glasnik Općine Tešanj», broj: 1/03 i 8/04)), Općinsko vijeće Tešanj na svojoj 13. sjednici održanoj dana 28.11. 2005. godine, donosi

## ODLUKU o vodovodu i kanalizaciji

### I - OPŠTI DIO

#### Član 1.

Ovom Odlukom pobliže se određuju način korištenja, održavanja i upravljanja vodovodnih i hidrantskih postrojenja vodovoda Tešanj, Jelah i Kraševo (u daljem tekstu: općinski vodovod) i kanalizacionih uređaja u Tešnju, Jelahu, Raduši i Krndiji (u daljem tekstu: općinska kanalizacija).

Pod općinskim vodovodom i kanalizacijom podrazumijeva se sva vodovodna i kanalizaciona mreža, kao i svi vodozahvatni objekti i druga postrojenja, vodovodne instalacije sa priključcima i vodomjerima i instalacije hidrantske mreže koje služe za centralno snabdijevanje grada i naselja vodom za sanitarne i požarne potrebe i odvođenje otpadnih voda, koja su za te svrhe i izgrađena.

#### Član 2.

Izgradnja vodovoda i kanalizacija vrši se na način i pod uslovima određenim pozitivnim Zakonskim propisima.

#### Član 3.

Izgradjeni vodovodi i kanalizacije prenose se na održavanje, korištenje i upravljanje komunalnom preduzeću bez naknade, po osnovu Ugovora o prijenosu između investitora i Komunalnog preduzeća.

Prilikom predaje na eksploataciju i upravljanje, investitor je dužan predati i svu dokumentaciju o izgradnji komunalnog objekta (projektnu dokumentaciju, snimak trase podzemnih instalacija i upotrebnu dozvolu) na dalje čuvanje i dopunjavanje iste.

#### Član 4.

O tekućem i investicionom održavanju općinskog vodovoda i kanalizacije kao i načinu eksploatacije, stara se JKP "Rad" Tešanj (u daljem tekstu: Komunalno preduzeće), kojoj su općinski vodovod i kanalizacija preneseni na upravljanje.

#### Član 5.

Voda iz općinskog vodovoda mora biti stalno pod sanitarno-higijenskim nadzorom i u pogledu kvaliteta odgovarati sanitarno-higijenskim uslovima i propisima u skladu sa važećim zakonskim standardima.

Za ispravnost voda u smislu prethodnog stava brine se i odgovorno je Komunalno preduzeće koje upravlja vodovodom.

#### Član 6.

Za potrošnju vode iz općinskog vodovoda i upotrebu kanalizacije, izuzev vode potrošene za požarne potrebe, korisnici plaćaju određenu naknadu, a visinu iznosa naknade određuje Komunalno preduzeće, na osnovu ekonomske cijene, uz pribavljenu suglasnost Općinskog načelnika.

## II - PRIKLJUČIVANJE NA VODOVOD I KANALIZACIJU

### Član 7.

Svi građevinski objekti izgrađeni na području koje je obuhvaćeno općinskim vodovodom i kanalizacijom moraju biti priključeni na općinski vodovod i kanalizaciju.

Obaveza priključenja na općinski vodovod, kanalizaciju i hidrantsku mrežu određena je u rješenju o urbanističko-tehničkim uslovima, a koje izdaje Općinski organ uprave nadležan za poslove urbanizma.

Gradjevinski objekti pored kojih je izgrađena nova kanalizaciona mreža moraju se najkasnije u roku od 60 dana, računajući od početka upotrebe ove mreže spojiti na kanalizaciju.

Po isteku roka iz prethodnog stava nadležna općinska komunalna inspekcija naložit će vlasnicima građevinskih objekata spajanje na kanalizacionu mrežu.

### Član 8.

Snadbijevanja vodom iz vodovoda na području gdje nema kanalizacione mreže može se dozvoliti samo pod uslovom da je prethodno obezbjedjena odvodnja otpadnih voda u vodonepropusnu armirano betonsku septičku jamu, izgrađenu prema tehničkim normativima.

Septičke jame ne smiju imati nikakve prelive, kojima bi se sadržaj izlijevao na okolne površine, kanale, vodotke i sl.

### Član 9.

Vodovodni priključak počinje od spoja sa dovodnim ili sekundarnim cjevovodom i završava se u šahtu za vodomjer i za svaki objekat se instalise vlastiti priključni cjevovod, kao dio sekundarne vodovodne mreže.

Izuzetno od prethodnog stava, za dvije ili više porodičnih stambenih zgrada sa po jednim stanom i malom potrošnjom vode, može se dozvoliti zajednički priključni cjevovod.

Za objekte kod kojih je projektnom dokumentacijom predviđeno snadbijevanje vodom za unutrašnju i vanjsku hidrantsku mrežu i sanitarne potrebe, u istom šahtu za vodomjer se instalise zasebno mjerenje potrošnje vode za hidrantsku mrežu i sanitarne potrebe.

Pod kanalizacionim priključkom smatra se dio kanalizacione mreže od revizionog šahta na kolektoru do kućnog revizionog okna, odnosno 1,00 m udaljenosti od objekta.

### Član 10.

Priključak na vodovodnu, hidrantsku i kanalizacionu mrežu, na zahtjev korisnika vrši Komunalno preduzeće koje upravlja općinskim vodovodom i kanalizacijom.

Prilikom izdavanja odobrenja za priključenje na vodovodnu, hidrantsku i kanalizacionu mrežu Komunalno preduzeće je dužno odrediti način, uslove, mjesto priključka, kao i odrediti lokaciju šahta za vodomjer, a po izvršenom priključku ucrtati priključak, šaht za vodomjer i druge podatke na kartu vodovodne i kanalizacione mreže.

Odobrenje za priključak na vodovodnu i hidrantsku mrežu ne može se izdati ako se ne ugrađuje vodomjer.

U slučaju samovoljnog priključka korisnika na vodovodnu ili kanalizacionu mrežu komunalno preduzeće obavjestit će nadležni inspekcijiski organ i izvršit će isključenje na teret korisnika koji je izvršio samovoljno priključenje.

### Član 11.

Razvođenje kućnih vodovodnih, hidrantskih i kanalizacionih instalacija i uređaja vrši se na osnovu projektno-tehničke dokumentacije, uz prethodno pribavljeno odobrenje o izgradnji objekta.

Vodovodne, hidrantske i kanalizacione instalacije, uređaje i spojeve iz prethodnog stava mogu izvoditi i montirati ovlaštena-kvalifikovana fizička i pravna lica.

**Član 12.**

Objekti koji su priključeni na općinsku kanalizaciju, a ne snadbijevaju se vodom iz općinskog vodovoda naknadu za korištenje kanalizacione mreže plaćaju paušalno na bazi prosječne godišnje potrošnje vode svih korisnika na području općine Tešanj za prethodnu godinu.

**Član 13.**

Svaki objekat koji se priključuje na općinski vodovod mora imati svoj zaseban spoj sa ulične vodovodne cijevi.

U slučaju da ne postoji ulična vodovodna cijev može se, izuzetno i privremeno, dozvoliti uzimanje vode sa susjedne parcele ili prolaz spoja i osnovnog voda preko nje.

Za dvije manje zgrade od po jednog sprata sa malom potrošnjom vode može se dozvoliti jedan zajednički spoj.

**Član 14.**

U slučajevima za koje se prilikom spajanja sa kanalizacionom i vodovodnom mrežom mora koristiti zemljište čiji su korisnici lica koja nisu zainteresovana za spajanje predmetnih instalacija, ista su dužna dozvoliti izvođenje potrebnih radova uz obavezu izvodjača radova dovodjenja zemljišta u prvobitno stanje i plaćanje pravične naknade.

**Član 15.**

Ukoliko se radnjama iz člana 14. ove Odluke protive dva ili više korisnika zemljišta, uz obrazloženi prijedlog Komunalnog preduzeća, pristupit će se rješavanju imovinsko-pravnih odnosa u skladu sa Zakonom o eksproprijaciji.

Ako se obavljanju radnji iz člana 14. ove Odluke protivi jedno pravno ili fizičko lice, nastali odnosi će se riješiti u upravnom postupku pred organom nadležnim za imovinsko-pravne poslove.

Organ za imovinsko-pravne poslove će za situaciju iz prethodnog stava svojim rješenjem ustanoviti pravo služnosti postavljanja instalacija, na temelju tehničkog rješenja i stručnog mišljenja dostavljenog od nadležnog organa ili preduzeća.

Naknada za ustanovljenje služnosti iz stava 3. ovog člana određuje se po Zakonu o eksproprijaciji koju snosi korisnik ustanovljene služnosti.

**Član 16.**

Prilikom priključenja septičkih jama ili uređaja na uličnu kanalizaciju, korisnik je dužan da napuštenu septičku jamu očisti, dezinfikuje sa ugašenim krečom i zatrpa zemljom.

**Član 17.**

Za priključenje na općinsku vodovodnu, hidrantsku i kanalizacionu mrežu svaki budući korisnik, od dana primjene ove Odluke, odnosno nakon primopredaje nove mreže, dužan je uplatiti taksu u korist Budžeta općine Tešanj. Priključak novih korisnika, Komunalno preduzeće će obaviti po prijemu dokaza o uplaćenju taksi.

Taksa se plaća po jednom priključnom mjestu i ne uključuje troškove priključka:

**a) za poslovne objekte u svojini pravnih lica, društava i drugih organizacija:**

- priključak na vodovodnu i kanalizacionu mrežu .....1.500 KM,
- priključak na vodovodnu mrežu bez kanalizacije .....1.000 KM,
- priključak na kanalizaciju bez priključka na vodovod .....500 KM.

**b) za poslovne objekte u svojini fizičkih lica:**

- priključak na vodovodnu i kanalizacionu mrežu .....1.200 KM,
- priključak na vodovodnu mrežu bez kanalizacije .....800 KM,
- priključak na kanalizaciju bez priključka na vodovod .....400 KM.

## c) za stambene objekte, domaćinstva:

- priključak na vodovodnu i kanizacionu mrežu ..... 800 KM,
- priključak na vodovodnu mrežu bez kanalizacije ..... 600 KM,
- priključak na kanalizaciju bez priključka na vodovod ..... 200 KM.

## d) Javne ustanove čiji je osnivač općina, kanton, federacija, odnosno državne

Ustanove, školski i vjerski objekti te objekti za smještaj korisnika socijalne pomoći i kolektivni centri, oslobađaju se uz odgovarajući podnesak plaćanja takse za priključak.

Korisnik koji dokaže da je ranije, po bilo kom osnovu, uplatio priključnu taksu oslobođen je od plaćanja iste, izuzev u slučaju da je u međuvremenu objekat promijenio prvobitnu namjenu ili svojinu.

U slučaju iz prethodnog stava taksa se plaća samo za razliku koja odstupa od uplaćenog iznosa.

**Član 18.**

Ostvarena sredstva po osnovu odredbi prethodnog člana koristit će se isključivo za proširenje kapaciteta vodovoda, poboljšanje kvaliteta vode, odnosno razvoj kanizacione mreže. Namjenska upotreba sredstava bit će definisana i obezbijedena kroz odluke o budžetu Općine i odluke o izvršavanju budžeta Općine za svaku godinu pojedinačno.

Komunalno preduzeće je dužno dostaviti poseban izvještaj Općinskom načelniku o izvršenim priključcima, dva (2) puta u toku jedne kalendarske godine.

**Član 19.**

Korisnicima individualnog stambenog objekta ili stambene zgrade, sa riješenim vodosnabdijevanjem iz sopstvenog vodovodnog uređaja, koji ostvare i pravo na priključak istog objekta na općinski vodovod u skladu sa odredbama ove Odluke, je zabranjeno korištenje priključnog šahta za smještaj vodomjera i unutrašnjih (kućnih) instalacija za dvojno napajanje.

U slučaju definisanih radnji u prethodnom stavu, korisnici moraju imati za svaki vodni uređaj ili drugi izvor vodosnabdijevanja zasebne priključne šahtove, zatvaračke ventile i razvod unutarnjih instalacija zaključno sa zasebnim izlivnim mjestom (radi spriječavanja miješanja vode iz različitih izvora).

**III - ODRŽAVANJE SPOJEVA I  
INSTALACIJA****Član 20.**

Vodomjer je plombiran plombom Zavoda za mjeriteljstvo i patente BiH, i isti se mora baždariti u zakonom propisanom roku. Korisnici općinskog vodovoda plaćaju mjesečnu naknadu za baždarenje vodomjera.

Komunalno preduzeće je obavezno obezbjediti blagovremeno baždarenje ili zamjenu vodomjera.

Sve kvarove na vodovodnim i kanizacionim spojevima, korisnici su dužni odmah po uočavanju prijaviti Komunalnom preduzeću koje je dužno odmah, a najkasnije u roku od 24 sata pristupiti otklanjanju kvara.

**Član 21.**

Sve promjene i popravke na vodovodnim, hidrantskim i kanizacionim spojevima vrši isključivo Komunalno preduzeće koje upravlja vodovodom i kanalizacijom.

Održavanje unutarnjih (kućnih) instalacija vodovoda i hidrantske mreže poslije vodomjera i u objektima su nadležnost i obaveza stanara zgrade, odnosno kućnog savjeta ili vlasnika individualnog stambenog objekta.

Unutarnje instalacije kanalizacije i kanalizacionog priključka, su u nadležnosti stanara zgrade ili individualnog stambenog objekta.

#### Član 22.

Troškovi održavanja i popravke spojeva padaju na teret Komunalnog preduzeća, izuzev ukoliko je do kvara došlo krivicom korisnika, kada troškovi opravke padaju na teret samog korisnika.

#### Član 23.

Ako zbog neblagovremeno uklonjenog kvara na vodovodnoj i kanalizacionoj mreži korisniku bude pričinjena šteta, Komunalno preduzeće je dužno korisniku istu nadoknaditi.

### IV - ZAŠTITNE MJERE

#### Član 24.

Zabranjeno je izvođenje bilo kakvih priključaka ili odvojaka ispred vodomjera bez prethodnog znanja ili odobrenja od strane Komunalnog preduzeća.

#### Član 25.

Pravo otvaranja i zatvaranja zasunskih uređaja sa obje strane vodomjera ima samo Komunalno preduzeće koje upravlja općinskim vodovodom.

Korisnik spoja može, izuzetno, zatvoriti zasunske uređaje iza spoja u slučaju kvara kućne instalacije, ali je o tome dužan u toku od 24 časa obavijestiti Komunalno preduzeće.

#### Član 26.

Korisnik spoja je dužan blagovremeno, preduzeti sve mjere da bi se vodovodni i kanalizacioni uređaji koji se nalaze na njegovom zemljištu zaštitili od kvara i bili u ispravnom stanju.

#### Član 27.

Šaht za smještaj vodomjera mora biti čist i suh, a vodomjer dobro izolovan i zaštićen od vanjskih uticaja (mraz i toplota), od uticaja površinskih i podzemnih voda kao i od mehaničkog oštećenja.

#### Član 28.

Šaht za vodomjer postavlja se u parceli, izvan objekta, na udaljenosti maksimalno 3 m od regulacione linije. Izuzetno, šaht se može izgraditi na većoj udaljenosti od 3 m od regulacione linije po tehničkim uslovima koje odredi komunalno preduzeće.

Ovlašteno preduzeće prema vrsti priključka određuje tip šahta za smještaj vodomjera ili izgradnja novog priključnog kanalizacionog šahta na trasi kolektora, kao i vrstu poklopca u zavisnosti od potrebnog saobraćajnog opterećenja.

Ukoliko je dubina šahta veća od 1 m u takvom šahtu moraju se ugraditi penjalice.

Pristup šahtu sa vodomjerom, mora uvijek biti slobodan.

### V - NAKNADA ZA KORIŠTENJE VODE I KANALIZACIJE

#### Član 29.

1. Korištenje vode iz općinskog vodovoda vrši se na osnovu prijave koju korisnik podnosi Komunalnom preduzeću.

2. Komunalno preduzeće izdaje odobrenje korisniku za korištenje instalacija općinskog vodovoda i kanalizacije.

3. Naknada za utrošenu vodu obračunava se po utvrđenom cjenovniku za 1 m<sup>3</sup> vode a za korištenje kanalizacije, naknada se plaća na osnovu utroška vode.

4. Naknada za korištenje općinske kanalizacije, za korisnike koji se snabdijevaju vodom iz sopstvenog vodnog uređaja (hidrofori i slično), obračunava se paušalno shodno članu 12. ove Odluke.

5. Plaćanje naknade za utrošenu vodu i odvodnju kanalizacije vrši se u 12 mjesečnih obroka godišnje i to do 10-tog tekućeg mjeseca za protekli mjesec.

**Član 30.**

U slučaju promjene korisnika općinskog vodovoda i kanalizacije, mora se podnijeti Komunalnom preduzeću pismena prijava u roku od 15 dana od dana nastanka promjene.

Sve dok se ne izvrši promjena ranijeg i prijava novog korisnika, raniji pretplatnik i dalje ostaje u obavezi prema Komunalnom preduzeću.

**Član 31.**

Mjerenje potrošnje vode vrši se ugrađenim vodomjerom.

Izuzetno, u slučaju kvara na vodomjeru, do ugradnje vodomjera potrošnja vode se obračunava paušalno na bazi potrošnje korisnika u ranijem obračunskom periodu.

**Član 32.**

Obračun utrošene vode koju plaća korisnik vrši se prema utrošenoj količini vode pokazanoj na vodomjeru (očitavaju se samo cijeli metri kubni).

U zgradama, gdje ima više korisnika vode utrošena količina se dijeli podjednako na sve članove domaćinstva koji su koristili vodu sa očitanoj vodomjera.

Obračun utroška količine vode u stambenoj zgradi, odnosno kućnom savjetu, u smislu prethodnog stava, vrši Komunalno preduzeće prema zvaničnom spisku koji je dužan sačiniti i dostaviti kućni savjet zgrade.

Kućni savjet zgrade, koja je priključena na općinski vodovod i kanalizaciju, je dužan najmanje jedan (1) puta godišnje (do 31. januara tekuće godine) dostaviti Komunalnom preduzeću zvanični spisak korisnika stanova, poslovnih prostora, garaža i drugih prostora koji su sastavni dio zgrade za koju je nadležan kućni savjet.

U slučaju da, u toku obračunske godine, dođe do promjena stanara ili članova domaćinstva zgrade, kućni savjet je dužan promjene prijaviti Komunalnom preduzeću u pismenom obliku, u roku od 15 dana od dana nastupanja promjene. Zvanični spisak treba da sadrži ime i prezime nosioca porodičnog domaćinstva, adresu i broj stana i broj članova domaćinstva.

Ukoliko kućni savjet redovno ne obavlja radnje iz prethodnog stava, utrošena količina vode prema očitavanju vodomjera, se dijeli i obračunava shodno ranije dostavljenom spisku.

**Član 33.**

Svaki korisnik vodovoda je dužan da službenom licu omogući očitavanje stanja vodomjera koje se vrši najmanje jedanput godišnje.

U slučaju da se zbog propusta korisnika ne može izvršiti redovno čitanje stanja vodomjera službeno lice će ostaviti pismenu poruku u kojoj će navesti dan i čas ponovnog čitanja vodomjera.

Ako se ni tada ne bude moglo čitati stanje vodomjera, utrošak vode će se obračunati paušalno na bazi potrošnje korisnika u ranijem obračunskom periodu, a tačan obračun izvršit će se kod slijedećeg očitavanja vodomjera.

**Član 35.**

Korisnik vodovoda može uvijek tražiti, pismenim putem, od Komunalnog preduzeća da se ispita ispravnost vodomjera.

Komunalno preduzeće je dužno odmah a najkasnije u roku od 15 dana ugraditi kontrolni vodomjer.

Ako se ustanovi da je vodomjer ispravan troškovi postavljanja, kontrole i skidanja vodomjera padaju na teret korisnika, koji je zahtjevao kontrolu, ako se ustanovi da je vodomjer neispravan onda troškovi opravke i kontrole padaju na teret Komunalnog preduzeća.

**Član 36.**

Korisnik može pismenim putem otkazati korištenje vodovoda i kanalizacije i to trajno i privremeno.

Trajno se može otkazati korištenje vode samo za objekte (zgrade ili individualne stambene kuće) u kojima niko ne stanuje.

**Član 37.**

Korisnik neće plaćati naknadu za utrošenu vodu ako je voda upotrijebljena za:

1. gašenje požara iz javnih hidranata,
2. gašenje požara iz unutrašnjih hidrantskih instalacija, ako se takav utrošak vode prijavi organizaciji najkasnije u roku od 24 časa nakon požara.

**Član 38.**

Za opštu upotrebu vode mogu se izgraditi javne česme koje se priključuju na općinski vodovod i na kojima moraju biti ugrađeni, osim vodomjera i uređaji za štedljivo trošenje iste.

Organ uprave Općine nadležan za komunalne poslove određuje lokaciju javnih česmi, a utrošak vode iz javnih česmi pada na teret općinskog Budžeta.

**VI - KORIŠTENJE I  
OGRAIČENJE POTROŠNJE  
VODE****Član 39.**

Svako pravo fizičkog i pravnog lica na vodu mora se koristiti na racionalan i ekonomičan način, čuvajući njezina prirodna svojstva i količinu s tim da se voda iz općinskog vodovoda u tehnološkim procesima koristi, u skladu sa postojećim mogućnostima, racionalno i u raznovrsne namjene, zadovoljavajući prvenstveno širi društveni interes i načelo održivog razvoja kojim se zadovoljavaju potrebe sadašnjeg i budućeg naraštaja da to pravo ostvari za sebe.

Niko ko ima dovoljno vode, posebno vode za piće, za sadašnje i buduće potrebe utvrđene za idućih 15 godina vodoprivrednom osnovom, ne može ometati i spriječavati druge da se u istoj mjeri opskrbljuju vodom, posebno vodom za piće, a koji te vode nemaju nikako ili nemaju dovoljno.

**Član 40.**

Komunalno preduzeće koje upravlja vodovodom može, uz saglasnost nadležnog ministarstva, u slučaju nedostatka vode zbog suše ili drugih smetnji, obustaviti ili ograničiti snabdijevanje vodom za pojedine svrhe ili u pojedinim naseljima korisnika.

Komunalno preduzeće je dužno obavijestiti potrošače o ograničenjima potrošnje vode najkasnije 24 časa prije ograničenja, putem javnih medija.

Za gašenje požara i za vrijeme drugih opasnosti Profesionalna vatrogasna jedinica za protivpožarnu zaštitu može koristiti vodu i za vrijeme trajanja ograničenja.

Profesionalna vatrogasna jedinica za protivpožarnu zaštitu je dužna za slučaj iz prethodnog stava voditi evidenciju o utrošku vode sa gradske hidrantske mreže i podatke redovno dostavljati Komunalnom preduzeću na evidentiranje.

Voda za potrebe iz prethodnog stava može se koristiti samo po posebnom dobivenom pismenom odobrenju od Komunalnog preduzeća.

**Član 42.**

Zavisno od potrebe, Komunalno preduzeće može izdati uputstvo o štednji kojeg su se dozni pridržavati svi korisnici vode.

#### Član 43.

Komunalno preduzeće može isključiti/zabraniti potrošnju vode pojedinim korisnicima u slučaju povrede odredaba iz člana 40. ove Odluke, kao i u slijedećim slučajevima:

1. kada se dosadašnji korisnik odjavi a novi nije podnio prijavu za korištenje,
2. kada nastupi veći kvar na kućnim instalacija i uređajima, a u cilju otklanjanja kvara,
3. kada stanje kućnih instalacija i uređaja ugrožava zdravlje korisnika, odnosno kada kvalitet vode na općinskom vodovodu ne odgovara sanitarnim uslovima,
4. kada je šaht za smještaj vodomjera zagađen ili zatrpan, odnosno nepristupačan a korisnik i pored pismene opomene Komunalnog preduzeća nije ništa preduzeo da se stanje izmjeni,
5. ako se korisnik ne pridržava uputstva o štednji vode za vrijeme trajanja ograničenja potrošnje vode,
6. ako više korisnika jednog objekta ne odrede između sebe nosioca pretplate za vodu,
7. ako korisnik ne plaća potrošnju vode, isporučilac će mu izvršiti isključenje vode, a ponovno priključenje će biti izvršeno nakon podmirenja cjelokupnog duga i troškova isključenja i ponovnog priključenja,
8. ako se u objektu, koji je priključen na općinski vodovod, ustanovi da su korisnik ili više korisnika iz objekta izvršili radnju suprotno odredbi člana 19. ove Odluke,
9. ako se korisnik stambenog, privrednog ili drugog objekta ilegalno (bez odobrenja i znanja Komunalnog preduzeća) priključi na instalacije općinskog vodovoda i kanalizacije.

### VII - NEDOPUŠTENE RADNJE

#### Član 44.

Zabranjeno je uzimanje vode sa uličnih hidranata općinskog vodovoda osim slučaja požara i uz odobrenje Komunalnog preduzeća.

Zabranjeno je uključivanje kućnih i drugih kanalizacija u ulične slivnike.

Zabranjeno je u općinsku kanalizaciju preko kućne instalacije ili uličnih slivnika i sitaza ubacivati smeće, pepeo, gips, cement, pijesak, otpatke, led, snijeg i druge čvrste materije i predmete.

Zabranjeno je, smeće i druge otpatke, preostale nakon čišćenja ulica i drugih javnih površina ubacivati u ulične slivnike i šahtove.

Zabranjeno je ubacivati u ulične slivnike i šahtove, zapaljive materije ili predmete koji mogu izazvati požar, eksploziju ili oštetiti kanalizaciju i otežati njeno funkcionisanje.

Hemikalije i druge tekućine koje sadrže škodljive (isparljive) materije, kiseline, alkalije ili soli ne smiju se ispuštati u kanalizaciju.

Tehnološka voda koja je upotrebljavana u parnim kotlovima ili zanatskim i industrijskim radionicama može se ispuštati u kanalizaciju samo po odobrenju Komunalnog preduzeća.

#### Član 45.

U slučaju stvarne potrebe a na zahtjev korisnika, Komunalno preduzeće će u odobrenju odrediti uslove pod kojima se mogu puštati materije iz prethodnog člana u kanalizaciju.

### VIII - KAZNE NE ODREDBE

#### Član 46.

Novčanom kaznom od 500,00 do 3.000,00 KM kaznit će se pravno lice, društvo ili druga organizacija za prekršaj odredaba iz ove Odluke.

Za prekršaj iz prethodnog stava kaznit će se i odgovorno lice novčanom kaznom u iznosu do 800,00 KM.



**IX - PRIJELAZNE I ZAVRŠNE  
ODREDBE****Član 48.**

Svi ugovori o prijenosu objekata vodovoda i kanalizacija na području općine Tešanj koji su potpisani između vlasnika objekata i Komunalnog preduzeća, prije stupanja na snagu ove Odluke, imaju se usaglasiti sa odredbama ove Odluke, vezano za priključne takse a ostale obaveze iz Ugovora ostaju na snazi.

**Član 49.**

Komunalno preduzeće će u saradnji sa nadležnim općinskim službama stvarati pretpostavke i uslove za preuzimanje i upravljanje i drugih seoskih/mjesnih komunalnih objekata, za koje to nije učinjeno da donošenja ove Odluke, a na način propisan u članu 3. ove Odluke.

**Član 50.**

Stupanjem na snagu ove Odluke prestaje da važi Odluka o vodovodu i kanalizaciji («Službeni glasnik Općine Tešanj», broj: 7/87, 8/88, 6/96, 5/99, 3/03).

**Član 51.**

Ova Odluka stupa na snagu narednog dana od dana objavljivanja u «Službenom glasniku Općine Tešanj», a primjenjivat će se od 01.01.2006. godine.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Rasim Omerbašić, s. r.**

**Broj: 01-02-1-1718-3/05.**

**Datum: 28.11.2005. godine**

11/07), Općinsko vijeće Tešanj na svojoj 28. sjednici održanoj dana 28.04.2011. godine, donijelo je

**ODLUKU**  
o izmjenama i dopunama Odluke  
o vodovodu i kanalizaciji

**Član 1.**

U članu 9. Odluke o vodovodu i kanalizaciji («Službeni glasnik Općine Tešanj», broj: 10/05 i 4/09) ispred stav 1. dodaje se novi stav koji glasi:

„Vodovodni priključak vrši se u skladu s odredbama ove Odluke i Općih i tehničkih uslova priključenja na mrežu općinskog vodovoda (koji su sastavni dio ove Odluke).

Dosadašnji stavovi 1., 2., 3. i 4. postaju 2., 3., 4. i 5.

**Član 2.**

Član 32. mijenja se i glasi:

„Obračun utrošene vode koju plaća korisnik vrši se prema utrošenoj količini vode pokazanoj na vodomjeru (očitavaju se samo cijeli metri kubni).

Osnova za obračun utrošene vode je količina izmjerena na zbirnom vodomjeru.

U stambenim objektima kolektivnog stanovanja sa više stambenih jedinica u kojima nisu postavljeni pojedinačni vodomjeri, utrošak vode izmjerene na zbirnom vodomjeru obračunava se proporcionalno broju članova domaćinstva u stambenoj jedinici.

U stambenim objektima kolektivnog stanovanja sa više stambenih jedinica u kojima su postavljeni pojedinačni vodomjeri, raspodjela ukupno utrošene vode u objektima po pojedinačnim korisnicima vršiti će se na slijedeći način:

- Korisnicima koji imaju ugrađene pojedinačne vodomjere (shodno općim i tehničkim uslovima) obračun utrošene vode se vrši na osnovu pojedinačnog vodomjera korisnika.
- Razlika količine utrošene vode koja se dobije kada se od ukupno registrovane količine na zbirnom vodomjeru oduzme zbir količina registrovanih na pojedinačnim vodomjerima korisnika će biti obračunata korisnicima koji nemaju ugrađene pojedinačne vodomjere (ili vodomjeri nisu ugrađeni u skladu sa općim i tehničkim uslovima), po članu domaćinstva na osnovu zvaničnog spiska dostavljenog od strane osobe ovlaštene za zastupanje etažnih vlasnika, u maksimalnoj količini od 5 m<sup>3</sup> mjesečno po članu domaćinstva.

Eventualna razlika količina koja se dobije kada se od ukupno registrovane količine na zbirnom vodomjeru oduzme zbir količina registrovanih na pojedinačnim vodomjerima i ukupna količina obračunata korisnicima koji nemaju ugrađene pojedinačne vodomjere, biće raspoređena proporcionalno količinama utrošene vode utvrđene na osnovu stava 2. ovog člana.

**Član 3.**

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ**  
**OPĆINSKO VIJEĆE**

**PREDSJEDAVAJUĆI VIJEĆA**

Esmir Subašić, s. r.

**Broj: 01-02-1-1289-2/11.**

**Datum: 29.04.2011. godine**

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07), a u vezi sa članom 8. Alineja 8. i 9. i člana 13. Alineja 5. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06), Općinsko vijeće Tešanj na svojoj 28. sjednici održanoj dana 28.04.2011. godine, donijelo je

**ODLUKU**

o izmjenama i dopunama Odluke o davanju  
nekretnina na korištenje

**Član 1.**

U Odluci Općinskog vijeća Općine Tešanj broj:01-31-1-4135-3/10 od 14.10.2010.g. objavljenoj u („Službenom glasniku Općine Tešanj“, broj: 7/10) u članu 1. tačka 1.1.

riječi „k.p.br.997/1 zv.“Jezero“ njiva 5 klase površine 10231m<sup>2</sup>“

mijenjaju se i glase:

„k.p.br.997/1 zv.“Jezero“ njiva 5 klase površine 10036m<sup>2</sup>“

u članu 1. tačka 1.2.

iza riječi: „Kinološkom klubu „PAS“ Tešanj zemljište koje je označeno kao k.p.br.997/3 zv.“Jezero“ njiva 5 klase površine 2000m<sup>2</sup>“, dodaju se riječi „k.p.br.997/4 zv.“Jezero“ njiva 5 klase površine 1193m<sup>2</sup> i k.p.br.997/5 zv.“Jezero“ njiva 5 klase površine 574m<sup>2</sup>“,

**Član 2.**

U ostalom dijelu Odluka ostaje neizmijenjena.

**Član 3.**

Ova Odluka stupa na snagu narednog dana od dana objavljivanja u "Službenom glasniku Općine Tešanj."


**OPĆINA TEŠANJ**  
**OPĆINSKO VIJEĆE**

**PREDSJEDAVAJUĆI VIJEĆA**

Esmir Subašić, s. r.

**Broj: 01-31-8-1173-10/11.**

**Datum: 29.04.2011. godine**



# SLUŽBENI GLASNIK OPĆINE TEŠANJ



<b>IZDAVAČ:</b> Općinsko vijeće Tešanj <b>UREĐUJE:</b> Stručna služba Vijeća i Načelnika <b>ODGOVORNI UREDNIK:</b> Arijana Brkić Tel. 032/650-341 E-mail: <a href="mailto:opcinsko.vijece@opcina-tesanj.ba">opcinsko.vijece@opcina-tesanj.ba</a>	Godina XLII - Broj 4 Srijeda, 20.05.2009. godine <b>T E Š A N J</b>	<b>ŠTAMPA:</b> Općina Tešanj Kompjuterska priprema: Stručna služba Vijeća i Načelnika Godišnja pretplata 60,00 KM Račun broj: 101160000035945 i broj: 3385502200008006 "Službeni glasnik" izlazi po potrebi
--	---	---

Na osnovu člana 2. a u vezi sa članom 311. stav 2. Zakona o privrednim društvima („Službene novine Federacije BiH“, broj: 23/99 45/00, 2/02, 6/02, 29/03, 65/05 i 91/07) i člana 14. Statuta Općine Tešanj („Službeni glasnik Općine Tešanj“, broj 11/07), Općinsko vijeće Tešanj na svojoj 7. sjednici održanoj dana 12.05.2009. godine, donosi

## ODLUKU

### o pokretanju postupka osnivanja Agencije za razvoj općine Tešanj

#### Član 1.

Ovom Odlukom pokreće se postupak osnivanja Agencije za razvoj općine Tešanj, koja će biti organizovana kao društvo s ograničenom odgovornošću, a čiji je osnivač Općina Tešanj.

#### Član 2.

Agencija za razvoj općine Tešanj osniva se s ciljem da bude promotor, nosilac i koordinator razvojnih aktivnosti na području općine Tešanj.

#### Član 3.

Društvo se osniva radi obavljanja privredne djelatnosti i sticanja dobiti.

#### Član 4.

Firma društva sa ograničenom odgovornošću glasi „Agencija za razvoj općine Tešanj“. Skraćeni naziv firme je „TERA“.

#### Član 5.

Sjedište Agencije za razvoj općine je u Tešnju, Trg Alije Izetbegovića broj 11.

#### Član 6.

Okvirna djelatnost Agencije za razvoj općine Tešanj je:

- razvoj poslovnog okruženja u općini Tešanj,
- vođenje dugoročnih projekata razvoja,
- praćenje pristupnih fondova Evropske unije i izrada aplikacija,
- razvoj inkubatora za mali biznis,
- promotor privrednih zona,

- obezbjeđenje investicionih ulaganja po usvojenim projektima van Općine Tešanj,
- promocija profitabilnih ulaganja.

#### Član 7.

Visina osnovnog kapitala u novcu osnivača je 2.000.00 KM.

#### Član 8.

Osnivač će snositi troškove osnivanja Društva.

#### Član 9.

Za vršioca dužnosti direktora do konačnog imenovanja u skladu sa Zakonom, imenuje se Hilmo Perčo.

Imenovani se zadužuje da u roku od 60 dana izradi i ponudi na usvajanje Općinskom vijeću Tešanj „Statut o načinu rada i poslovanja Agencije za razvoj općine Tešanj“.

Statutom Društva bliže će se urediti način rada i poslovanja Društva kao i postupak, uslovi i druga pitanja vezana za imenovanje direktora i drugih organa Društva.

#### Član 10.

Ovlašćuje se Općinski načelnik da može potpisati notarski obrađenu Odluku o osnivanju u skladu sa ovom Odlukom, kao i sva druge potrebne izjave i obrasce propisane Zakonom o registraciji poslovnih subjekata u Federaciji BiH („Službene novine Federacije BiH“, broj: 27/05 i 68/05).

#### Član 11.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Vedran Kaser, s. r.**

**Broj: 01-49-1-1770-2/09.**

**Datum: 12.05.2009. godine**

Na osnovu člana 14. stav 1. Zakona o komunalnim djelatnostima ("Službene novine ZE-DO kantona", broj: 17/08), člana 35. stav 1. Zakona o

zaštiti potrošača u Bosni i Hercegovini ("Službeni glasnik BiH", broj: 25/06) i člana 13. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj 7. sjednici održanoj dana 12.05.2009. godine, donosi

**ODLUKU**  
**o izmjenama i dopunama**  
**Odluke o vodovodu i kanalizaciji**

**Član 1.**

U Odluci o vodovodu i kanalizaciji («Službeni glasnik Općine Tešanj», broj: 10/05) u članu 17. stavu 2. tačka d) i stav 3. i 4. se brišu i prebacuju u novi član 17 a. koji glasi:

«Od plaćanja priključne takse oslobođeni su: Javne ustanove čiji je osnivač općina, kanton, federacija, odnosno državne ustanove, školski i vjerski objekti te objekti za smještaj korisnika stalne i povremene socijalne pomoći i kolektivni centri. Korisnici koji u postojećim objektima, za koje je plaćena priključna taksa, vrše razdvajanje mjerenja potrošnje.

Korisnik koji dokaže da je ranije, po bilo kom osnovu, uplatio priključnu taksu oslobođen je od plaćanja iste, izuzev u slučaju da je u međuvremenu objekt promijenio prvobitnu namjenu ili od jednog objekta pregrađivanjem, napravio dva ili više.

U slučaju dograđivanja objekta taksa se plaća samo za razliku koja odstupa od uplaćenog iznosa.»

**Član 2.**

U članu 21. stav 2. iza riječi „vodomjera“ dodaju se riječi „zbirnog vodomjera“.

**Član 3.**

Iza člana 31. dodaje se član 31.a. koji glasi:

„Komunalno preduzeće će korisnicima usluga vodovoda koji koriste zbirno brojilo obezbijediti mogućnost postavljanja pojedinačnih mjernih instrumenata, po principu jedan korisnik jedan mjerni instrument.

Novi stambeni objekti kolektivnog stanovanja saglasnost za priključenje na vodovodnu i kanizacionu mrežu mogu dobiti samo ukoliko je ispunjen uslov da svaki potrošač ima vlastito brojilo.

Rok za provođenje stava 1. ovog člana je 5 (pet) godina od početka primjene ove Odluke.“

**Član 4.**

Član 32. mijenja se i glasi:

„Obračun utrošene vode koju plaća korisnik vrši se prema utrošenoj količini vode pokazanoj na vodomjeru (očitavaju se samo cijeli metri kubni).

U stambenim objektima kolektivnog stanovanja sa više stambenih jedinica, obračun utroška količine vode vrši se očitavanjem utroška sa pojedinačnog mjernog instrumenta za stambene jedinice koje imaju ugrađen mjerač potrošnje.

Za stambene jedinice kolektivnog stanovanja koje nemaju ugrađene mjerne instrumente obračun utroška količine vode vrši se na način da se utrošena količina vode na zbirnom mjernom instrumentu, nakon što se izbije količina očitana na pojedinačnim mjernim instrumentima, dijeli podjednako na sve preostale članove domaćinstva koji su koristili vodu sa očitanoj zbirnog mjerača potrošnje.

Obračun utroška količine vode mjerene putem zbirnog mjernog instrumenta, vrši Komunalno preduzeće prema zvaničnom spisku koji je dužan sačiniti i dostaviti predsjednik Skupa zgrade ili predsjednik Odbora zgrade.

U slučaju da u toku obračunske godine, dođe do promjena stanara ili članova domaćinstva zgrade, predsjednik Skupa zgrade ili predsjednik Odbora zgrade, dužan je promjene prijaviti Komunalnom preduzeću u pisanom obliku, u roku od 15 dana od dana nastale promjene. Zvanični spisak treba da sadrži: ime i prezime nosioca porodičnog domaćinstva, adresu i broj stana i broj članova domaćinstva.

Ukoliko se radnje iz prethodnog stava ne obavljaju redovno, utrošena količina vode prema očitavanju zbirnog mjernog instrumenta, se dijeli i obračunava shodno ranije dostavljenom spisku.“

**Član 5.**

Iza člana 32. dodaje se član 32.a. koji glasi:

„Kada je u stambenim objektima kolektivnog stanovanja sa više stambenih jedinica, u kojima je obračun utrošenih količina vode vršen putem zbirnog mjernog instrumenta, izvršena ugradnja pojedinačnih mjernih instrumenata za svaku stambenu jedinicu, Komunalno preduzeće će i dalje nastaviti sa očitavanjem potrošnje na zbirnom mjernom instrumentu i eventualnu razliku u potrošnji između ukupne potrošnje sa pojedinačnih mjernih instrumenata i evidentirane na zbirnom mjernom instrumentu, dijeliti podjednako na sve korisnike srazmjerno pojedinačnoj potrošnji korisnika koji su koristili vodu mjerenu preko zbirnog mjerača.“

**Član 6.**

Iza člana 32a. dodaje se član 32.b. koji glasi:

„Vlasnik stambene jedinice u okviru stambenog objekta kolektivnog stanovanja prilikom nabavke, ugradnje, eksploatacije i funkcionisanja mjernog instrumenta potrošnje dužan je da se pridržava projekta o tehničkih izvodivosti izrađenog i ovjerenog od strane ovlaštenog stručnog pravnog ili fizičkog lica.“

**Član 7.**

Član 40. stav 1. i 2. mijenja se i glasi:

„Komunalno preduzeće koje upravlja vodovodom u slučaju nastupanja neplaniranih ili neočekivanih poremećaja ili prekida u snadbijevanju vodom, dužno je odmah o tome pisanim putem obavijestiti nadležan organ za komunalne poslove općine i istovremeno preduzeti mjere za otklanjanje uzroka poremećaja ili prekida.

Nadležan organ za komunalne poslove po prijemu obavještenja postupit će u skladu sa odredbama Zakona o komunalnim djelatnostima koje regulišu prekid pružanja komunalne usluge.»

#### Član 8.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

### OPĆINA TEŠANJ OPĆINSKO VIJEĆE

#### PREDSJEDAVALJUĆI VIJEĆA Vedran Kaser, s. r.

Broj: 01-02-1-385-3/09.

Datum: 12.05.2009. godine

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07), člana 19. stav 5. Odluke o izvršavanju budžeta Općine Tešanj za 2009. godinu ("Službeni glasnik Općine Tešanj", broj: 02/09) i Budžeta Općine Tešanj za 2009. godinu ("Službeni glasnik Općine Tešanj", broj: 02/09), Općinsko vijeće Tešanj na svojoj 7. sjednici održanoj dana 12.05.2009. godine, donosi

### ODLUKU

o usvajanju Programa novčanih podsticaja za unapređenje primarne poljoprivredne proizvodnje na području općine Tešanj u 2009. godini

#### Član 1.

Ovom Odlukom usvaja se Program novčanih podsticaja za unapređenje primarne poljoprivredne proizvodnje na području općine Tešanj u 2009. godini.

#### Član 2.

Program iz člana 1. ove Odluke sastavni je dio ove Odluke.

#### Član 3.

Za realizaciju ove Odluke zadužuje se Općinski načelnik i nadležna općinska Služba koja će sva planirana sredstva isplatiti korisnicima, koja se utvrđuju u okvirnom iznosu prema Programu, a proporcionalno će se uvećati ili umanjiti, u zavisnosti od broja odobrenih zahtjeva na kraju godine.

#### Član 4.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

### OPĆINA TEŠANJ OPĆINSKO VIJEĆE

#### PREDSJEDAVALJUĆI VIJEĆA Vedran Kaser, s. r.

Broj: 01-02-1-722-4/09.

Datum: 12.05.2009. godine

## PROGRAM NOVČANIH PODSTICAJA ZA UNAPREĐENJE PRIMARNE POLJOPRIVREDNE PROIZVODNJE U 2009. GODINI

### 1. UVOD

Programom novčanih podsticaja za unapređenje primarne poljoprivredne proizvodnje, Općina Tešanj namjerava osnažiti poljoprivredne proizvođače i učvrstiti lanac koji povezuje proizvodnju, preradu i plasman poljoprivrednih proizvoda. Pored ovog cilja postoje i drugi specifični ciljevi Programa podsticaja:

- stvaranje porodičnih gospodarstava,
- stvaranje tržišno orjentisanih proizvođača,
- intenziviranje postojeće poljoprivredne proizvodnje,
- povećanje obradivih površina,
- smanjenje stope nezaposlenosti, ruralni razvoj i dr.

Na osnovu člana 19. stav 5. Odluke o izvršavanju budžeta za 2009. godinu, pristupilo se izradi Programa pri čemu su uzeti u obzir pokazatelji koji utiču na poljoprivrednu proizvodnju, vlastita iskustva u primjeni novčanih podsticaja te iskustva u razvoju poljoprivrede i sela iz drugih općina BiH.

Nakon usvajanja Programa podsticaja Služba za finansije i ekonomiju će putem sredstava javnog informisanja, javnih rasprava i izradom letaka obavijestiti poljoprivrednike o podsticajnim mjerama, kao i o kriterijima koji moraju biti ispunjeni da bi podsticajna sredstva bila odobrena.

### 2. OPŠTE ODREDBE

Program podsticaja podrazumijeva jednokratne isplate a za realizaciju navedenog Programa obezbjeđena su budžetom za 2009. godinu sredstva u visini od 340.000 KM. Maksimalan iznos podsticaja koji može dobiti jedan podnosilac zahtjeva po osnovu jednog ili više vidova podsticaja je 2.000,00 KM. U slučaju da podneseni zahtjevi znatno premašuju za ove svrhe planirana sredstva, visina podsticaja može biti i manja, zavisno od broja odobrenih zahtjeva.

Pravo na dobijanje podsticajnih sredstava u skladu sa Programom podsticaja ostvaruju slijedeći korisnici:

1. sva poljoprivredna gazdinstva na području Općine Tešanj (jedan podnosilac zahtjeva za jedan ili više vidova podsticaja) koja blagovremeno podnesu zahtjev za podsticaje i ispune kriterije iz Programa podsticaja za proizvodnju koja je ostvarena na području Općine Tešanj.
2. poljoprivredno gazdinstvo, gdje je podnosilac zahtjeva lice do 35 godina starosti i na evidenciji nezaposlenih neprekidno najmanje pet godina, ostvaruje i podsticaj za mlade poljoprivredne proizvođače u visini od 30% na odobreni podsticaj iz tačke 1.